

1 TESALONAIKA

Ƴiya Pol siya om Korin hir nwowin mi siya ta yokwowa ha wɔnkikin iikamim naingwo tibmiiyim om Tesalonaika hiranim simiiramɔn. Biyan siya ti om iir niki okin mi Ƴiya Timoti siya hiriir nimbiamin mi siya kimidiniya Pol siir ini boinu, Juda iikamim yipiki Jisis siiram naingwo tibmii karamae nwowiyim iikamim naingwo tibmiiyim simiirin hik sima hauwi. Mi ta hiriinan saiirsika Pol siya ta yokwowa saiir asi wɔnkikin minsika iikamim naingwo tibmiiyim wi saeya nwoki whɔnkɔnsiis haiginuwim mi simiir naingwo tibmiiya Jisis siiram naingwo tibmiiya wi hiriyar nwoki onkworɔnukripkaiyim mi wi siyar nwoki itbugiyim. Siya Ƴiya Jisis siya nitana saiir yayim kasakasa bi wɔnkin. Iriig.

¹ Pol, Sailas mi Timoti, krɔma ta yayia yokwoni wɔn hauugika iikamim Adi Komii krɔmiir Wanin siir piugananim om Tesalonaika hiranim kimiiirim. Kɔma Adi Komii mi Biyan Inkam Komii, Jisis Kraiis sowiirgisowiirniigim. Mi krɔma ha naingwowi Adi Komii mi Jisis Kraiis siya, sowa naingwobumbu mi iripa nongwomamaɔr aei kwoinin wi kimiiir nwoki hauugiyim.

Mi Tesalonaika simiir naingwo tibmiiya kirieka mi saeya ini wadieyar sibgu owa.

² Mi krɔma inokɔinokɔn Adi Komii siirim kwisboiniyim, krɔma siirin ha boin wadieikim. Dimusi rani, iikam kimiirsika. ³ Mi inokɔinokɔn krɔma siir boinmauwi dimin miyik miyikim

kɪma tɪrɪyɪm sɪmɪɪr. Dimusi rani, kɪma siir yai ɪmɪɪr wakaeyoknaei mɪ kɪma siiram naɪngwokwonanae mɪ kɪma dɪmɪn kɪrɪe kɪrɪe ɪmɪɪrar tɪrɪ mɪ kɪma donkworɪnukrɪpkai mɪ kɪma kɪrɪe hɪrɪɪyar dwokrɪpkai Bɪɪyan Inkam Komɪɪyɪn Jɪsɪs Kraɪs siiram. ⁴ Mɪ kɪma tɪ nomɪɪyauɪm yɪpɪkɪ Adi Komɪɪ siirɪm naɪngwokwonanaeyɪm mɪ krɪma ɪna nɪnoknɪnkɪnɪm sɪya bɪdɪ yɪmbɪngɪyɪn kɪmɪɪrɪn siir ɪɪkam nwowam. ⁵ Dimusi rani, ɪɪya krɪma ta Yai Wɪn Kɪbɪya kɪmɪɪr boɪnmɪmauuwa saɪɪrsɪka, yɪm nɪksɪsae yai nɪɪnga rani mɪ kɪmɪɪr kwɔɪnɪm Adi Komɪɪ siir yai ɪma mɪ siir naeyɪu ɪeya wɪ sowar kɪnkɪrɪp hai. Mɪ Adi Komɪɪ siir naeyɪuɪn kɪmɪɪr kwɔɪnɪm wɪ sɪyar kɪsɪna haɪgɪ mɪ krɪma ɪna nɪnoknɪnkɪnɪm siir yai ɪmɪɪrɪn mɪ tɪ yayɪm sɪmakɪsɪmaɪrgɪm kaimwowɪm. Kɪma bɪdɪyar yɪnoknɪnkɪnɪm dɪmɪnɪm bɪɪya krɪma tɪrɪm kɪmɪɪr whɪnkɪnsɪs haɪgɪɪuwam. ⁶ Mɪ kɪma Adi Komɪɪ siir yai ɪmɪɪr bɪdɪ wakaewɪnɪm mɪ ɪɪkamɪm sɪma kɪmɪɪr bɪdɪyar tɪrbumbuɪm mɪ kɪma maɪrgɪmaɪrga bɪ nwokɪm. Nɪɪngaka. Dimusi rani, Adi Komɪɪ siir naeyɪuɪn sɪyar whɪnkɪnsɪs haɪgɪɪugɪm kɪmɪɪrɪn maɪrgɪmaɪrga hɪrɪɪyar nwokrɪpkayɪm. Mɪ kɪma tɪ dɪmɪnɪm sɪmɪɪrar tɪrnɪnae, tɪ dɪmɪnɪm krɪma mɪ Bɪɪyan Inkam Komɪɪ Jɪsɪs Kraɪs krɪma tɪrɪm sɪmɪɪr hɪrɪɪnan. ⁷ Mɪ tɪ hɪrɪɪnan sɪyɪuɪn, kɪma yɪpɪkɪ ɪɪkamɪm Adi Komɪɪ siir yai wakaeyokna apɪyɪm nu haɪmɪ Masedonia mɪ nu haɪmɪ Akaɪa hɪranɪm sɪmɪɪr bɪdɪ yɪsɪmauuwɪm mɪ kɪma sɪmɪɪrɪn dɪmɪn mɪɪyɪk mɪɪyɪk ɪmɪɪrar nɪsɪmauuugɪm sɪma kɪgna apamɪn. ⁸ Mɪ tɪ yayɪm Adi Komɪɪ sɪya boɪnmauuwɪm kɪmɪɪr, yɪm kɪma bɪdɪ yanaaknɪnkɪɪyɪm mɪ ta yayɪa ɪnkamɪn ɪɪ

hainiyin mi siir yainana ha namkiya hinda tinda mi ini saiir hiriinan yamiyokiyokiigiya. Mi ta yaiya saeya nu haimii Masedonia mi nu haimii Akaia hiriirara biri namka. Nɔngaka. Mi ta yaiya ina yiniyokiigiya hinda tinda mi iikam sima ina wakaekiyim kima Adi Komii siir yai imiirin ina wakaeyokna apim mi ta hiriinan saiirsika, krɔma wi saiir swoki boin tani simiirin. ⁹ Mi iikamim hinda tindanim sima dimin taeminim biya nɔmbiyamim iya krɔma kimaka waraur nwowa sima simiir whrie boini. Mi kima uruwai siyaowaiyim digumii bidi haimriiyugigim. Mi Adi Komii kɔngikinin siirar wakaeyokna apkim. Mi uruwai siyaowaiyim yim omwai bi waiyaeikim, yim ini nɔngar ywowim. Adi Komii sasairgin omwai waiyayokiyokiiyin. ¹⁰ Sima ha boinkim, kima siir yinisim iirim dwokwokin siya Adi Komii siir om hir haiburgigi Jisisin, yipiki biya niki aowin, siirin Adi Komii siya kininsin idwokin mi krɔmiirin siyar whinkinsiis haiginu mi siyar mi anmaiwarkaina Adi Komii siya tioidwomaiyana saiirsi. Dimusi rani, iikamim, sima dimin biyie tirkim. Iriig.

2

Pol siya mɔriiya mi om Tesalonaika hir saeya

¹ Kima ti nomiiyauim, kima ina ninokninkinim biya krɔma nita kimiir nini kignakiyim mi yai kimiir nini boinmimauugigim mi ta krɔma niki apririr kignakiya kimiir saeya op bi kimaiga. Nɔngaka. ² Mi kima ina ninokninkinim iya biya krɔma om Filipai hir nwowa sima krɔmiirar diriraerarbumbukim mi krɔmiirin Adi Komii

siya whɛnkɛnsiis haigɛnɛugɛm mi krɛma hikim
sima hauuwɛm simiirsi biri nididgɛm mi siir Yai
Win Kibiya krɛma kimiirar boinmɛmauugig. ³ Ti
yaiyɛm krɛma kimiir boinmɛmauugigim krɛma
kimiir nɛksisae rani. Yaiyɛm krɛma boiniyɛm
krɛma siyɛu biyɛekak bi nwowikim. Nɛngaka.
Krɛma kimiirin yaimwowerar boinikim krɛma
kimiir bi nɛksisaeikim kimiir digworaekwo imiir
nɛksisae haiyɛm. Nɛngaka. ⁴ Biya Adi Komii
krɛmiir Wanɛn siya bɛdiyar kɛnankɛugiyɛn krɛmiir
kwoinɛn mi siya ini wadɛyar ywokiyɛn krɛmiirin
siir yai imiir boinmɛmauuɛm. Adi Komii siya
ina ninoknɛnkɛnim ti dimɛn taeminim krɛma
boinmɛmauwɛiyɛm krɛma minam naingwowi Adi
Komii siirarar maɛrgɛmaɛrga haigɛniuum, krɛma
inkamni maɛrgɛmaɛrga haigɛniuum pi boriisopi.
⁵ Kɛma ina ninoknɛnkɛnim inokɛnokin biya
krɛma kimiir boinmɛmauuɛm krɛma kimiiram
bi hiirgɛm. Adi Komii siya ina ninoknɛnkɛnin
krɛma kimiiram bi hiirgɛm mi ta hɛriinan saiirsika
krɛma kimiir umɛr digworaekwo min swoki
iksɛsae hai rani. Nɛngaka. Adi Komii siya ina
ninoknɛnkɛnin krɛma yaimwoarar boini. ⁶ Ta
krɛma miriia krɛma inig komii haiyɛm pi boriisopi
kimiir bopwoniya waraurɛn mi iikam nhɛr ikim.
Nɛngaka. Nim krɛma aposel kamɛm yɛpiki Krai
siya nɛkropkiyɛm sima mi ta hɛriinan saiirsika nim
krɛma wi digar nwowi Adi Komii siir whwonkam
ɛdan kimiiram sɛiyɛm krɛmiir inig imiir hainanim
mi krɛma pi boriisopi. ⁷ Mi biya iya krɛma kimaka
waraur nwowa krɛma kimiirar sibgu kɛgrɛraokim
yopiigi sae kɛgrɛraowiya saiir yɛnim simiir saiir
hɛriinan. Mi krɛma kimiiramɛn dimɛn whɛram

bɪ sriigim. ⁸ Krɪma kɪmiiramar naingwokim mi krɪma Adi Komii siir Yai Win Kibiya sairara bi hauugikim. Dimusi rani, krɪma kɪmiiram naingwokwonanaeikim mi krɪma kɪmiir asi whindiriraerargigim. ⁹ Kɪma iikam whiekakim ina ninokninkinim krɪma kɪmiirin Adi Komii siir Yai Win Kibi aiarar boinmauugim mi krɪma umiramɪn ni nabie miriigim mi ta hiriinan sairsika, krɪma naemɪn dimɪnim kɪmiir warauranki panɪnsi haisi.

¹⁰ Kɪma mi Adi Komii siya kɪma ina ninokninkinim dimɪnim krɪma tiriyim kɪmiir iikamim yipiki Adi Komii siir yai aiarim naingwo tibmiiyim. Krɪma dimɪnim big nasmirwaiya Adi Komii siya nwowanim simiirar tirikim mi krɪma dimɪn miyyikim dimɪn whirki kimbu karamae nwowiyim simiirarar tirikim, krɪma siyuum dimɪn whirki kimbu karam nwowiyim simiirarar tirikim dimɪn biyie wara bi tirikim. ¹¹ Krɪma ini adin siir yinisimim simiir boinmimauuwiyim ini siir hiriinan ywowim mi kɪmiirin krɪma nokwao boinkim mi kɪmiirin maigimaigga krɪma nwowaiginiugikim mi krɪma kɪmiiram sriininaekim ¹² kɪma inokinokin Adi Komii siir sibgu wakaeyokna ap siya kɪmiiram nikiunanaeikin mi kɪma mi siya kɪma wi iripa nidwowi mi kɪmiirin wi siyar kigriraowi mi siir dimɪn taemɪn miyyik miyyikim kɪma wi simiirar ninan haiswowi. friig.

¹³ Inokinokin krɪma Adi Komii siirar boin wadie nanaeikim ti dimɪn taemɪn imiirsiyin. Biya krɪma kɪmiirin Adi Komii siir yai imiir boinmimauugim mi kɪma simiirin ina wakaeyokna apim sima inkamni yai rani. Nɪngaka. Ti yayim kɪma

wakaeyokna apim kima Adi Komii siir yai imiirar wakaeyokna apkim, ti yaiyim sima diminar tirikim kimiir kwoinauin, iikamim yipiki siir yai imiir wakaeyokna apim. ¹⁴ Kima ti iikamim Adi Komii siir piugananim nu Judianim yipiki naingwo tibmiiyim Kraisi siir wakaeyokna apim simiir kigna mriiyan iikamnan bidi ywowim. Ti nomiiyauim, ti iikamim ti om Tesalonaika tiranim kimiigikimiirar nomiiyauim kimiirin siyiu biyie simar tirikim yipiki Adi Komii siir yai imiir wakaeyokna apim mriipa hiriinan sima ti Judan iikamim sima siyiu biyie bidi mriim iikamim yipiki Adi Komii siir yai imiir wakaeyokna apim waraur nwowim. ¹⁵ Biya Juda iikamim sima nisomsomaokaokim profet kamim yipiki biya Adi Komii siir yai imiir nanaakninkii haiginiuum mrii hoiya simiir yiniyeyim sima yisomao krimiir Biyan Inkam Komiiyin Jisis siir mrii tariinanin sima ini siyiu biyie krimiirar swoki tirim mrii siyiu hiriinanin sima tirin mrii Adi Komii siir kwoinin ini haughauga whiyekiyin. ¹⁶ Mrii sima dimin bibiyie iki iikam nirim simiirar tirikim. Dimusi rani, sima krimiir siyiu iir ninkripkigim iikamim Juda iikam tani krima yai simiir boinmimauusi. Mrii hiriinanki niuwi sima digumii ti dimin biyie iir haimriiyugig mrii Adi Komii siya wri simiir nwoki anmaiwarkainaim. Ti iikam bibiyeyim dimin bibiyie imiirar tiryokiyoyim mrii taka iya Adi Komii siya hik ti simiir dimin bibiyeyim simiirsi hauuwana saeya bidi yimbiniya. Iriig.

Pol siya simiir swoki kigam naingwokin

17 Mi ti iikamim krimiirin sima nikropkikim mi krīma ina yamim mi iiyim hoimgak rani, krīma kimiir haiburgigim mi krimiir kwoinim ini kimaka waraurar yinkin okiyim. Mi krīma wigkamim wigpiowa kampiowa nīnga nwowiyim ini simiir hiriinan ywowim. Mi krīma kimiir whwonkam kignakiyamim ina naingwowim mi krīma ina niki hidim siyiwuwamim krīma wi panina niti kimiir kignakiyamim. 18 Kara Polkin mi kara iinokiiinokin ina kinankiun kimiir kignakiyamim mi krimiir siyiuin ini Setan siya yinkripkiyiyin. 19 Mi Mhoiia iia Jisis siya swoki iti mi krimiir hainami mi krīma wi saika nwowi mi wi omwaiya waiyayokiyokigiyami. Mi mhoiia iikamim sima wa ha dimusi boini krīma wadiyairgim? Mi mhoiia krīma wi maigimaigra dimusi nwowi? Mi Mhoiia krīma wi krimar dimusi hainanaei? Krīma wa hainanae, krimiir inig iirarin. Dimusi rani, iikamim kimiirsika. 20 Kima iikamim yipiki krimiir yai imiir wakaeyim mi Adi Komii siir kigna apim, wim kima maigimaigra krimiir nwo haiginiuwu. Iriig.

3

Timoti siya yai kibiya saiir hainanikin mi Pol siya ini maigimaigra ywowin

1 Mi iia krīma nwoimararim waraur nitam nwoninaeya, krīra hiniina naingwokwoko nikrira wi om Atens tir nwonawidi. 2 Mi krīra pi krimiir nomiiyauin Timoti siirara nikropki yipikin siya krīraka miriyyin Adi Komii krimiir Wanin siir mi aiirin mi Kraiis siir Yai Win Kibi aiir nanaakninki haiginiuwam mi siirin krīra nikropki mi siya niti

kimiirin wɔ siya whɛnkɛnsiis haiginiuwɔ mi kimiir kwoinin wɔ kirɛ nwokɔ owɔm Adi Komii siir yai aiir wakaeyokna apamin ³ mi ta hiriinan saiir-sika, kimiir iikam nɛirkɛm bi kiyopsimsibgigim. Dimusi rani, ti hik imiirsika. Mi kɛma, kɛma kɛmarin ina ninoknɛnkɛnim ti hikim Adi Komii siyar nimbinkɛn krɛma haiyamin. ⁴ Mi biya iya krɛma kɛmaka waraurar niki owa, krɛma kimiirin hɛnɛna boinmauugim, iikam nɛirim wɔ dimin biyɛ krɛmiir tiri. Dimusi rani, krɛma Adi Komii siir yai aiir wakaeyokna apikim. Mi kɛma ina ninoknɛnkɛnim ti hiriinan diminim kimiir nimbini krɛma biya kimiir bidiya iki boinmauim. ⁵ Mi kara ii priei nwowim pi boriisopi mi kara Timoti siirin ta hiriinan saiirsiya nikropkisasauugin kimiir kɛgnakiyim, kɛma ini Adi Komii siir mi aiirar mɛriiyim iyɛ? Saiir mɛrii rani. Kara pi nididi kimiir kwoinim wɔ Setan siya nipiyaokɛsi mi diminim krɛma tirim, sima wɔ naekak nwo rani. friig.

⁶ Timoti siya kimiir haiburgigin mi siya tiriir ha nitin mi ta Yai Win Kibiya siya ina anaaknɛnkɛi haiginiuni. Kɛma Adi Komii siir yai imiirar wakaeyokna apkɛɛpkai mi kɛma iikam imiirim warar timi inkɛn aingwokwonanae mi krɛmiirimɛn iriipi hiriinan warar timi inkɛn aingwokwonanae krɛmiir kɛgnakiyam, krɛma naingwowiya kimiir kɛgnakiyim saiir hiriinan. ⁷ Mi krɛma wɔ maigimaigra nwokɛɛpkai. Dimusi rani, iikam kɛma ini Adi Komii siir yai imiirar niki wakaeyokna apkɛɛpkaiyim. Mi iikamim sima siyu biyɛ krɛmiir tiriyim mi krɛma hikak biri nwowikim. Nɛngaka. Mi diminim krɛma

wakaeyim kima tirim, yim krimiirin simar whinkinsiis haiginiuwi maigimairga hiriyyar nwokripkaiyim. ⁸ Mi kima Adi Komii siir yai imiirin hiriinanar wakaeyokna apkrpkai mi ha timi okworinu krpkai mi hiriinankiniuwi, krma wa nongwomamair aei. ⁹ Mi krma Adi siirin wi panina boin wadie mi krma siirin wi ha nsiimauuwi krma maigimairga kirie komiigakim. Dimusi rani, iikam kimiirsika, ha? Yio ti hiriinanin yio siyu karamaeka. Nngaka. ¹⁰ Mi inokininokin krma Adi Komii siirama sriinanaeikim krma kimiir kigam mi kimiir naingwo tibmii aiir whinkinsiis haiginiuwam mi kimiir naingwo tibmiiya saeya wi sapisap kipi nwo. Iriig.

¹¹ Mi krma hinina naingwowi krimiir Adi Komiiyin mi krimiir Biyyan Inkam Komiiyin Jisis, sowa whindiriraerarkiko kimiir kignakiyam. ¹² Mi krma hinina naingwowi Biyyan Inkam Komii siyar tirki kimiir nomiiyauim iki iikam nhirim hinda tinda nwowim simiiramn nhami nhami kipi naingwokwonanae opki mirkimirka sae ninkiniya mi ha bwaembwaekiniamiya saiir hiriinan, ta krma naingwokwo nanaeiya kimiiram saiir hiriinan ¹³ mi iriipa hiriinan Biyyan Inkam Komiiyin siya wi kimiir kwoin imiir tirki sima kirie nwoki owim. Mi mhoiyya Biyyan Inkam Komiiyin wi siir iikam imaka niti mi kima Adi Komii siir whwonkam ida wi dimin whirki kimbu rani. Iriig.

4

Ti hiriinan siyutin kima Adi Komii siir

wakaeyokna apiyɪn yio Adi Komii siir maɪrgɪmaɪrga haigɪniuwɪ

¹ Biya krɪma kɪmiir bɪdiyar iki boɪnmauwɪm mi kɪmiir bɪdiyar mi ɪsiɪmauwɪm siyɪuɪn Adi Komii krɪmiir Wanɪn siir wakaeyokna apanɪn mi maɪrgɪmaɪrga siir nwo haigɪniuwɪm mi krɪma ɪna nɪnoknɪnkɪnim mi kɪma sɪmiir tiri mi krɪma kɪmiirin wɪ asi srɪnanae krɪmiir Biyan Inkam Komiiyɪn Jisɪs siir yai ɪmiiramɪn mi kɪma ti siyɪu ɪirin wɪ hɪrii hɪriinanar tɪrnanae.

² Kira bɪdiyar yɪnoknɪnkɪnin yayɪm biya kɪriir boɪnmɪmauwɪm krɪma, Biyan Inkam Komiiyɪn Jisɪs siir ɪnɪgni.

³ Mi dimɪn taemɪnim Adi Komii siya naɪngwowɪm kira kɪgna dirɪraeraram sɪmiirin donkworɪnukrɪpkai mi kɪma dimɪn whɪrki kɪmbu karamae hɪriiyar dwokrɪpkai. Mi kɪma siyɪuɪn hɪi nanaeyɪn siirsɪyɪn aru dwo.

⁴ Mi kɪma ɪrɪra nwɪnwɪra sɪbgu dɪnoknɪnkɪn siyɪuɪn kɪmiir piu aɪir kɪgrɪraowanɪn mi rɪrmiɪya dwokrɪpkai mi Adi Komii siya ti hɪriinan dimɪn mɪiyɪkɪn siir kɪgi mi siya wɪ maɪrgɪmaɪrga nwowi.

⁵ Mi kɪma hɪi nanaei siyɪu biyɪeyɪn siiram kɪpi naɪngwokwonanae ɪikamɪm yɪpiki Adi Komii siiram naɪngwo tɪbmɪi karamae nwowiyɪm sɪmiir hɪriinan kɪpi nwo. Nɪngaka.

⁶ Mi kɪma kɪmiir nomiiyauɪm sɪmiirin siyɪu bibiyɪe kɪpi tɪrhaigɪniɪu mi sɪmiir kwoɪn ɪmiir kɪpi kiyai Nɪngaka. Dimusi rani, biya krɪma kɪmiirin hɪniɪna boɪnmauugɪm, ɪikamɪm yɪpiki ti hɪriinan siyɪu biyɪe ɪiir tɪrim yɪm wɪ Biyan Inkam Komiiyɪn siya nonkwobumbunɪnkɪn haigɪniuwɪ.

⁷ Mi Adi Komii siya krɪmiirin siyɪu bibiyɪe tɪram bi nɪkiunakɪn. Nɪngaka. Siya krɪmiirin dimɪn whɪrki kɪmbu karam nwowɪm nɪkiunakɪn.

⁸ Mi ɪikamɪm

yipiki digiumii ti yai imiir haimriiyugigi, yim sima digiumii iikamim ti yai imiir boinmauwim simiir haimriiyu rani. Nningaka. Yim sima digiumii Adi Komii siir haimriiyuwi yipiki inkamin naeyu miyik krimiir hauun.

⁹ Mi kara kimiiram w winboinki rani, siyuun nomiyau nhirmiyam naingwokwonanaeyin siirin. Nningaka. Dimusi rani, kima bidiyar yinokninkinim. Dimusi rani, kara kimiir bidiyar iki boinmauun Adi Komii siya naingwokwonanaeyim kimiir nomiyau imiiram.

¹⁰ Mi kima kimiir nomiyauim simiiram bidiyar yaingwokwonanaeyim hinda tinda nwowim nu Mesedonia hir mi krima kimiirin pi hinina boinkii, kima kimiir nomiyau imiiram daingwokwonanae.

¹¹ Mi kima omwai sibgu waiya yokiyokiyam daingwokwo mi dimin biye tirim kipi naingwo mi pu minki kipi piyao mi kima kimiir umir mi imiirar sibgu mirii, biya krima niki boinmauukiya sair hiriinan. ¹² Mi iriipa hiriinan iikamim yipiki Adi Komii siiram naingwo tibmii karamae nwowim simiir whwonkam ida kimiirin sima wa kignaingwo boini kima iikam miyik miyikim mi kima dimin taeminim w kima kimar haiyam naingwona rani. Nningaka. Iriig.

Mi Biyan Inkam Komiiyin siya nitan ii aeya

¹³ Mi kara pi boriisopi iikam kima habwaowaenan nwowim kimiir nomiyauim naokaowim simiiramim. Mi kara pi boriisopi kima maigimaigra nwo karam nwowim ti iikamim naokaowim simiirsiiyin ti iikamim yipiki Adi Komii siiram naingwo tibmii kin karamae nwowiyim simiir hiriinan mi siya ti iikamim

simiirin wi swoki kininsiin idwo rani, omwai waiyayokiyokiyamam. Nningaka. ¹⁴ Mi krīma ina naingwo tibmiiyim Jisis siya bidiyar iki aonamin mi siya kimidiniya ie hiranki swoki insiin idwo, tiriiginim yipikim Adi Komii siir yai aiiram naingwo tibmiiyim mi ha naonamin mi Adi Komii siya wi ti iikam imiir hidninsiin idwowi mi sima wi saika warar swoki inkin iti.

¹⁵ Krīma kimiirin dimin taeminim yipiki biya Biyan Inkam Komiiyin siyakisiyar boinim simiir boinmimauwi. Yim hinningim, krīma ti iikamim yipiki ti omwaiya niki waiyam mi iya Biyan Inkam Komiiyin siya niti mi iikamim yipiki biya naokaowim simiir biyin wi krīma nam tani. Nningakinngaka. ¹⁶ Mi Biyan Inkam Komiiyin siya wi ninomor kou hirankin sasar niuuni mi siya wi yai komiiyar boinki mi Adi Komii siir paekwosimin kirie komiigakin siya wi komiiyar kauwok boinki mi Adi Komii siir kidin wa masboinki mi Kraisi siir iikamim yipikim biya naokaowim mi biikibiyyin wi simar ninsiin idwowi. ¹⁷ Mi ta saiir mhoiiyarin mi iikamim naingwo tibmiiyim yipikim omwaiya niki waiyam mi yim wi simaka warar ninkin ami mi iikamim sima Biyan Inkam Komiiyin siirin wi kou hir niyiskaiwini. Mi Biyan Inkam Komiiyin siya krīmiirin wi ti hiriinan siyū iirsi nikunainami mi krīma inokinokin wi saikar nwoyokiyokikaiyami. ¹⁸ Mi kima irni nwirni whinknsiis ankinsiis haiginu mi maingimainga ta yai anaka dwo. Iriig.

Krīma hīriiyar sībgu okworīnu krīpkai īiya Bīiyan Inkam Komīiīn siya swokī itīna saiirīm

¹ Kīma tī nomīiyauīm, krīma īiya tī dimīnīn siya nīmbiyamana pī yokwoni kīmiir wīnboīnmauugi rani. ² Kīma iikamīm, kīma īna sībgu īnoknīnkīnim īiya Bīiyan Inkam Komīiīn siya nītīna ya wī inkamīn digworaekwo tauaeyīm nītiyīn nīiyaka wī siir hīriinan nīti mī iikamīm wī hindara nanaawīni. ³ īiya inkam nwrkī ha boīni krīma īni wadīeyar sībgu owīm mī dimīn biyīe whir karamaeka mī dimīn whirīn īna yīmbiyamīn simiirīn mī simiir tīrbu wīga yīpīkī yīnisīm naokainam tīriya mī ha diyīuraeyīuwiya saiir hīriinan mī sīma wī saiirsi kiyoopki rani. Nīngaka. Wīga yīnisīm naokainani hīkīm simiir hai karamae bī swokī owīka. ⁴ Kīma tī nomīiyauīm, kīma yīpīkī iikamīm Adī Komīi siir wakaeyokna ap karam nwowiyīm simiir hīriinan tani mī īiya siya swokī itīna ya wī krīmiir nanaa haigīniū rani, hīiyan inkamīn yīpīkī digworaekwo tauaeyaeiyīn siir hīriinan. Nīngaka. ⁵ Kīma iikamīm īni Adī Komīi siir yīnisīsīm ara ywowīm mī siir yai īmiirar wakaeyokna ap. Kīma Setan siir iikam tani yīpīkī siir yai aiir wakaeyokna ap karamae nwowīm. Nīngaka. ⁶ Mī tī hīriinan saiirsika, krīma iikamīm yīpīkī Adī Komīi siir yayīīm simiir wakaeyokna ap karamae nwowiyīm simiir hīriinan tani. Nīngaka. Krīma krīmasiyar mīntaraona mī dimīnīm Adī Komīi siya boīniyīm simiirar wakaeyokna apiyokiyokī. ⁷ Iikamīm yīpīkī Adī Komīi siir yai īmiir wakaeyokna ap karam nwowiyīm, yīm īni iikamīm nhwo whwonkaowiyīm īni simiir hīriinan ywowīm

mi ini iikamim op kirie kwiyae whaowaeyim mi dimin taemin ha priidiriraeraramiyim ini simiir hiriinan ywowim. ⁸ Krīma iikamim yipiki Adi Komii siir yai imiir wakaeyokna apiyim krīma krīmasiyar mīntaraona. Krīma Adi Komii siir yai imiir wakaeyokna ap mi iikam imiirim daingwokwonanaei. Ti dimin hiriinanim kimiir whinkinsiis haiginuwiyim, yim nhaowa inkamki hoikwowiniya saiir hiriinan ywowim. Krīma Adi Komiiyin yipikin mhoiia krīmiir nikiunakiyanin mi krīmiir whindiriraeraranin siiram waikao. Mi ta hiriinan wi saeya whinkinsiisi pagra kirieya iya kamim yaii niniiyim simiir mwo imiir haiginiya saiir hiriinan. ⁹ Adi Komii siir iowa krīmiiram biri nīmbinga krīmiir nonkwoninwomwirninkinim. Nīngakinīngaka. Mi siya ha nīmbingin krīmiirin, krīmiirin wi krīmiir Biyan Inkam Komiiyin Jisis Kraisiir inigni nanmaiwarkainaei. ¹⁰ Biya siya krīmiir whindiriraeraram naokin mi ta hiriinan saiirsika krīma yipiki omwai waiyam mi yipiki naowim mi mhoiia krīma wi omwai saikar waiyayokiyoki inokinokin. ¹¹ Kima irni nwirni dinan inkinsiis ankansiis haiginu mi irni nwirni timi whindiriraerar haiginu tariinanin kima tira saiir hiriinan tir. Irig.

Nikopkaigiyan yai ima

¹² Krīma kimiirin igao yai boinkim, kima iikamim Biyan Inkam Komiiyin siya nikmwim kwoim kimiir bopwoniya waraur nwowim simiir yai imiir wakaeyokna mi simiirin siyu miyik imiirar disimaau. Dimusi rani, kimiirin ini simar kigriraowim mi ini simar nowomwarkaiyuum Adi Komii siir dimin taemin imiirin. ¹³ Kima

ti kam miyyik miyyikim simiiram daingwo mi simiiramın ha daingwokwonanaei. Dimusi rani, dimin taeminim sima tiriiyim simiirsi. Kima iraka nwirka dongwomamaır ae.

¹⁴ Ti nomiiyauim, krıma ti yayım kimiirın igao yai mınsi boınki mi kima iikamım yipiki nhakiuwiyim simiir boınwakae. Mi iikamım yipiki nididiyim simiir whinkinsiis mi iikamım yipiki maırgımaırga nwo karamae nwowiyım simiir kinsiis haigınıu mi kima hiinsıma dwo iikam simakan. ¹⁵ Kima sıbgu mıntarao, kima yipiki iikamım sıyıu biyie kimiir tir haigınıuwiyım, kima simiirın wı yamdi kipi swoki tirbu haigınıu. Nıngaka. Mi kima ırni nwrniyin mi iikamım hında tında nwowım simiirın dimin miyyik imiırar tir inokıinokın.

¹⁶ Mi inokıinokın kima wı maırgımaırga dwokrıpkai. ¹⁷ Inokıinokın kima nhwo Adi Komii siirama kwıboınanae. ¹⁸ Kima Adi Komii siir boın wadie ti dimin taemin whiekakım nımbımbıyamım simiirsi, Adi Komii sıya wı maırgımaırga kımaka nwowi, kima ti dimin taeminim Kraıs Jısıs siir inıgni tiri yipiki kimiir whinkinsiis haigınıuwiyın.

¹⁹ Kima dimin taeminim Adi Komii siir naeyıuın sıya tiriiyim simiir kipi kikinokou. ²⁰ Kima, kimiir whwomısım amımıra kipi nwo mi sıyıu biyie kipi nısiımauu ti kamım Adi Komii siir naeyıuın sıya boınmımauuın diminim mi ha nanaaknınki haigınıuwım. Nıngaka. ²¹ Kima dimin taeminim iikamım sima boınmımauuwiyim mi sima nanaaknınki haigınıuwiyım simiir kınanankıu

m̄i dim̄in k̄ibi k̄ibiȳim s̄imiir s̄ibgu onkwor̄inu.
 22 M̄i dim̄in biȳie im̄iirsi dapyok.

23 Kara ha naingwowi Adi Komii k̄rimiir Wan̄in siyair̄gin maiḡimaiḡani bwamk̄ibwamin̄ m̄i k̄imiir̄in w̄i siyar wh̄ink̄insiis haiḡin̄iwi siir wakaeyokna ap̄im m̄i ta h̄iriinana saiirsika k̄imiir kwoin̄im m̄i kwoin̄budim̄ m̄i k̄imiir p̄iūim w̄i wad̄eya h̄iriyar, nwokwokini m̄i w̄i iya Biyan Inkam Komii Jisis Krai siya swokī iti w̄i saiir nad̄iḡiwi. 24 Adi Komii siya k̄iriiram b̄idi ȳik̄iūin m̄i k̄ima siir̄gīsiir̄gim̄ m̄i siya siir kwoin̄in b̄i swokī kisina haigiik̄in m̄i siya w̄i t̄i dim̄in im̄iir t̄irk̄ripkai m̄i w̄i sima d̄iḡii.

25 T̄i nom̄iyauim̄ k̄ima Adi Komii siiram t̄i kw̄isboin̄ k̄rimiir̄im m̄i siya w̄i k̄rimiir̄ nwoki wh̄ink̄insiis haiḡin̄iūim. 26 Iya k̄ima k̄imiir nom̄iyau im̄iir nokboin̄mamāriȳim k̄ima s̄imiir̄in warar dankabmamārgiyam. 27 Kara k̄imiir̄in Biyan Inkam Komiiȳin siir in̄iḡ iir boin̄ki, igao yaȳim k̄ima ta yokwowa wara nom̄iyauim̄ waraur nwow̄im s̄imiir whwonkam ida mwain̄. 28 Kara ha naingwowi Biyan Inkam Komii Jisis Krai siir naingwobumbuwa w̄i kimaka nwowi. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

5350dc83-93b2-5000-9c98-dcdb728ba84f